

金

石

萃

編

金石萃編卷一百二十八

賜進士出身 誥授光祿大夫刑部右侍郎加七級王昶撰

宋六

華嶽題名八十六段

李濟題名

石橫廣一尺五分高九寸四行行八字正書

樞密直學士知秦州李濟於大中祥符三年二月二日  
赴任經口口謁 下缺

按李濟為李超之子宋史附潘美傳李超者冀州

信都人為禁卒常從潘美軍中主刑刀美好乘怒

殺人超每潛緩之美怒解輒得釋以是全者甚眾

人謂其有陰德子濬字德淵中進士景德初累判  
吏部銓權樞密直學士尋知開封遷右司郎中出  
知秦州暴疾卒濬與李宗諤同歲同月後一日生  
其卒也亦後一日衆以爲異據李宗諤傳宗諤以  
大中祥符五年五月卒年四十九則濬之卒年月  
與春秋若干皆有可攷而知此題在大中祥符三  
年二月是其官秦州蓋兩年餘也

韓國長公主設醮題記

在乳香記右側上裁七行行  
十四字至十七字不等正書

大中祥符三年歲在庚戌三月庚辰朔七日丙戌入內  
侍省內侍高班張懷則奉 宣爲 韓國長公主消

災祈禳於

西岳廟請道士二七人修建靈寶道場三晝夜散日設  
五岳謝恩大醮一座  
○刊于石  
○記雲臺觀悟真大師  
買得升題

宋史本傳楊國大長公主至道三年封宣慈長公主  
咸平五年進魯國下嫁柴宗慶歷徙韓魏徐福四國  
仁宗立進鄧國大長公主以眞宗本紀攷之封韓國  
後應是衛國非魏國也本紀是年閏二月帝幸第視  
疾卽指此事案太宗七女惟此歷封韓國爲長公主  
若雍國大長公主亦改封韓非此

關中金  
石記

按宋史公主傳太宗七女第四女卽公主蓋真宗之妹也真宗紀大中祥符三年閏二月戊寅幸韓國長公主第視疾是月辛亥朔戊寅爲廿八日而張懷則奉宣詣西嶽廟修建道場消災祈福在三月七日計其行程數日則奉宣啟行與視疾同時事也祈禱後逾月卽愈仍差張懷則赴西嶽禱謝記文見下

韓國長公主禱謝題記

在乳香記右側中段作兩截書上設懸記入行下人名四

行字數各不等正書

入內內侍

省內

侍高班張懷則爲

韓國長公主疾愈

丞

命再來禱謝

嶽靈請道士二十七人開啟靈寶道場三晝夜散日設

清醮壹座行事禮畢而還時大中祥符三年四月口八

日

悟真大師賈得升題記

勾當人員二人

通引官周實

右都押衙李元吉

虞候傅口

宋垂遠等題名

在拱極觀碑右側下後五行行二十四字左行隸書後張綽題三字行書

庚戌歲季秋月廿日閣門祖供宋垂遠奉

命提點 京西刑獄公事

詔旨給假迎侍 北堂

與弟秘省正字寧遠知邑棘丞師仲宰知京兆昭應縣

張綽進士廳房同告謁

靈祠

張綽題

按宋史傳宋瑄字寶臣華州渭南人長子明遠次

子柔遠三子垂遠

關中金石記誤作次子

據此題有弟寧遠

史所不載此題云庚戌季秋提點京西刑獄公事

庚戌爲大中祥符三年京西舊分南北兩路後併

爲一路南路所屬爲襄陽府鄧隨金房均鄧唐七  
州光化一軍北路所屬爲河南潁昌推寧順昌四  
府鄭滑孟蔡汝五州信陽一軍垂遠家于渭南請  
假省母則於北路爲近也垂遠父瑄傳稱卒于淳  
化四年年六十一至此年距瑄之卒又十八年度  
其母年幾八十矣稱母爲北堂始見於此

麗房等題名

在樊城觀碑右側上載作兩層書上四  
行字已磨泐疑爲詩行書下題名八行

行五字  
正書

獨尊

□天門

□□□消浪潭

□此瑞彩閒雲奔

三班奉□□□奉 命排□并修建 行官大中祥符

三年季秋二十有五日與進士廳房同謁 清廟

李懷□設醮題名 石殘缺橫廣一尺二寸十行行僅存六字

內侍省 缺 殿頭李懷□ 缺 宣將祀份陰 缺 軍民祈福

於

西嶽廟內□拜 缺 啟道場七晝夜 缺 設醮一座 全了 缺

禮畢次日東行 缺 闕專刊石銘

□齋悟真

按此題記泐其年月據記有將祀汾陰四字宋史禮志真宗東封又明年以羣臣請詔許四年春祀汾陰后土此云將祀則在三年矣

李自正題名

在張旌民題名之左三行行五字六字不等左行正書

嶽神冊帝之明年孟春望寓居李自正題

按此題無年月但云嶽神冊帝之明年西嶽加封金天順聖帝係大中祥符五年事則此爲六年所題也

張懷彬等題名

在述聖頌碑額述字之下七行行十一字十二字不等正書

天誓九載孟春十日入內供奉張懷彬道場於岳祠入

內高班孫可久投龍於脩谷偶會入內高品李懷凝自  
涇原承受解秩歸 闕時與知縣大理寺丞張緯同焚  
香于

金天順聖帝致誠而退孫題

按天書九載即大中祥符九年

王懷珪設醮記

石高一尺廣八寸八行  
行十二字左行正書

大中祥符九年六月口口日入內侍省內侍高品王懷

珪奉 宣於 嶽廟 其君觀道場口七晝夜罷散日

設醮一座續口 勅差太府少卿蔡汝賁口口祀版

祭告同會于 口祠

大理寺丞知縣事張緯書

長安普濟廣教大師澄遠

李知常設醮題記

在孔香記左側上款  
六行行十五字正書

大中祥符

口年六月十四日

入內內侍省內侍高品李知常奉

宣贊口口恭詣 金天王廟及

真君口二處請道士二七人悟真大師賈得升等口建

靈寶道場三晝夜散日設醮各口口其七百二十分刊

石為記

許文德題名

石高六寸五分廣五寸三行行九字正書

金石錄卷二百二十六 宋六

□□兼兵馬監押

將仕郎守縣尉許文德天禧三年十月二日題

送御書奉神述碑記

石高一尺三寸廣九寸八行行八字九字十一字不等行書

□□管勾部送

御製御書奉

神述碑石壹片赴

西嶽廟殿上西畔於天禧四年十月二十七日巳後午前丙時豎立訖故記之

入內內侍省內侍殿頭鄧保□

文有云巳後午前丙時豎立所稱丙時卽二十四路

法也其法出之淮南子天文訓子午卯酉爲二繩丑寅辰巳未申戌亥爲四鈞東北爲報德之維西南爲背陽之維東南爲常羊之維西北爲號通之維所謂四維者乾巽坤艮四路也故下又有斗指子則冬至指癸則小寒指丑則大寒指報德之維則立春指寅則雨水指甲則驚蟄指卯則春分指乙則清明指辰則穀雨指常羊之維而立夏指巳則小滿指丙則芒種指午則夏至指丁則小暑指未則大暑指背陽之維而立秋指申則處暑指庚則白露指酉則秋分指辛則寒露指戌則霜降指號通之維而立冬指亥則

小雲指玉則大雪等說道家傳黃帝宅經多有其法  
世蓋襲用之而不知其出於淮南矣又云神述碑一  
片玉篇有斤字云平也又有廳字云客厨此蓋以斤  
爲廳案聽事之所爲廳古無斤廳二字是卽用聽字  
矣

國中金  
石記

按春明退朝錄載大中祥符四年車駕次華陰上  
見岳神數里迎謁召問老巫阿馬婆對如上所見  
上加敬禮詔封爲金天王仍上自書製碑文以寵  
異之其碑高五十餘尺濶丈餘厚四五尺天下碑  
莫及也其餘刻扈從太子王公以下百官名氏製

作壯麗巧無倫比焉卽此記所謂管勾部送御製  
御書奉神述碑石壹片之事也片乃斫字之省見  
集韻語已詳夢英詩碑關中金石記謂以片爲屨  
非也奉神述碑製作壯麗惜搨本未見而所刻屨  
從太子王公百官名氏皆無從攷證

真宗御製詩殘字

碑已斷裂僅存二塊一高一尺九寸廣一尺八寸兩截書上七行下

六行每行二三字至四五字不等一高一尺八寸廣一尺四行字數無攷行書

缺  
口一首賜

勅丁口 缺

缺  
口映遠空今

份陰口 缺

缺  
□神功如披  
紆宸翰 缺

缺  
中曾有鑿  
厚載 缺

缺  
□觀積鶴  
□ 缺

缺  
回輿聊  
□ 缺

缺  
祀

缺  
□篇□□□□

缺  
□□親祠□ 缺

缺  
□ 缺

按宋詩紀事搜採真宗詩得七首而此詩未見則亦以殘缺過甚不能錄存也詩有扮陰回輿親祠

等字知爲祀汾陰以後賜從臣之作附以脩攷又  
攷玉海大中祥符四年四月丁未作西祀還京歌  
有寬簡育羣生虔恭居大寶之語賜近臣和庚戌  
三可使丁謂等請以汾陰路聖製歌詩命大臣書  
立石此詩前序殘泐之中有勅丁二字或卽勅丁  
謂等之文姑附識之

李昭通等華嶽殘詩 在拱極觀碑左側上下泐  
初共八行字數無攷行書

□□□□□□學士使于汾陰 缺

□□□□是行各賦小詩以刻貞 缺

狀神□□作鳴□□耳擗香 膠莫缺

□□□□□□□□檢昭曩而今已 築壇缺

方聽齊代說天地同 和自缺

□□鑿□□□□葱蔥預有期 李昭通森 森松栝甚□

建巨鎮金方缺

□□□祀奉惟馨其二五千危仞倚晴空襟帶關河地望  
雄鳴驛和缺

□□□□□□□□□□抄陰星駕廓翮謂翠岑削出三峯

如筆 □須知缺

按此詩亦殘缺僅見李昭通姓名宋史傳有李昭  
慶為繼隆子李昭通為繼和子並處耘孫而為無

昭通宋詩紀事亦無攷詩可讀者三句其全篇當  
是七律前有序云各賦小詩則非一人作也序有  
汾陰嶽神等字亦從祀汾陰而謁嶽神者

錢若水等觀稼謁廟殘題

石高八寸廣六寸四  
行行六字左行正書

□□□錢若水

寺丞直史館陳

承 命觀稼□

謁同謁斯廟

按史傳錢若水字澹成一字長卿河南新安人真  
宗卽位累加工部侍郎充集賢院學士判院事修

太宗實錄累知開封府又遣巡撫陝西緣邊諸郡  
此題觀稼謁廟殆卽巡撫陝西時事而真宗紀不  
詳巡撫爲何年題名又無年月可系姑附於真宗  
之末

段徽明設醮記

石高一尺五分廣七寸七行行  
十字至十八字不特左行正書

乾興元年二月十五日奉

宣差入內內侍省內侍高品段徽明往慶成軍口寧宮  
太寧廟各開啓道場七晝夜罷散日口口赴西嶽廟并  
真君觀各開啓道場三晝夜各設清醮一座已上

口帝謝三月一日

御校禮畢却迴赴關書口

題云奉宣差入內內侍省內侍高品段微明往慶成  
軍太寧宮太寧廟開啟道場慶成軍即河中府榮河  
縣以大中祥符中陞爲軍太寧宮即后土祠禮志曰  
大中祥符四年改奉祇曰太寧宮石刻宮名泐一字  
知爲大字

關中金  
石記

按真宗紀乾興元年二月甲寅帝不豫曾劇禱于  
山川神祇是月庚子朔甲寅正十五日也段微明  
奉宣當是因不豫而致禱者

范雍華嶽題名

石高一尺一寸廣四寸五分  
四行行九字十字不等正書

陝西轉運使尙書兵部員外郎賜紫金魚袋范雍軋輿  
壬戌歲四月七日 恭謁 嚴祠

題云陝西轉運使尙書兵部員外郎賜紫金魚袋以  
傳攷之當由京東轉運副使歷河北轉運使及陝西  
也史不及兵部員外郎是其缺略

關中金  
石記

按宋史傳叙范雍歷官不詳號年東都事略則云  
天禧中爲京東河北轉運使徙京西路入爲三司  
戶部副使擢龍圖閣待制陝西都轉運使召還又  
以爲安撫使其轉運陝西不詳何年計自天禧中  
至此閱三四年約畧與此題名合其官兵部員外

郎則東都事畧亦失書又詳檢史傳雍之官陝西前後凡三次其初轉運在京東河北之後其次爲都轉運在入爲三司度支之後其後安撫環原在勾當三班院之後此題名乃在初次轉運時殆東都事畧失書也

上官冲等題名

在周約題名之左四行  
字數不等左行正書

乾興元年五月初六日三班奉職上官冲暨進士周慎

從躬謁 口祠

范雍再謁祠題名

石高一尺一寸廣五寸五分四  
行行十字十三字不等正書

雍去年題名在後

今歲自三司度支副使遷此官復爲本路轉運使再謁  
靈祠天聖癸亥九月十四日

題云今歲自三司度支副使遷此官復爲本路轉運  
使以傳合之蓋由陝西轉運使入爲三司戶部副使  
又徙度支以尙書工部郎中爲龍圖閣待制陝西都  
轉運使耳

降中金  
石記

按此卽范雍第二次赴官陝西所題史傳及東都  
事畧皆作都轉運使題名無都字癸亥是天聖元  
年

劉巨川題名

在張承構題名之下共  
四行行十三字正書

中散大夫尙書虞部郎中劉巨川近自口南郡首授代  
歸關經由 盤宇恭謁 聖容時大宋天聖三年四月  
十口口

宋漢臣題名 石橫廣一尺三寸高一尺一寸  
十一行行十二字左行正書

壬戌歲乙巳月庚子朔辛亥日漢臣自永興軍知鄠縣

奉 敕就移州判嘉州專禱 靈祠西去赴任太子中

舍口臣進士口口口口同行從口甲子歲丁口月解罷至

乙口歲戊口月赴 闕當歲壬午月壬午朔丁酉日奉

敕同判華州於乙酉月庚戌朔辛亥日祭禱 靈嶽殿

中丞宋漢臣題

文稱壬戌歲乙巳月又稱甲子歲丁丑月又稱乙丑  
歲戊寅月又稱當歲壬午月乙酉月壬戌當是乾興  
元年甲子為天聖二年乙丑則三年也攷文安公杜  
丹詩為漢臣所刻是漢臣其時人

開中金  
石記

按此題年月日皆用干支而不言數今以遼史朝

考考之壬戌是真宗乾興元年乙巳為四月辛亥

是十二日也甲子為仁宗天聖二年丁口月者二

月建丁卯也

開中金石記  
誤云丁丑

乙口歲戊口月者天聖

三年乙丑正月建戊寅也壬午月壬午朔丁酉日

者五月十六日也乙酉月庚戌朔辛亥日者八月

二日也胡天聖二年二月解罷三年正月赴闕五

月同判華州八月祭禱靈臺也宋漢臣無傳

杜說等題名

石橫廣二尺五分高一尺一寸六行行五字六字不等左行正書

奉禮郎杜說光祿主簿蘇舜欽將作主簿司馮旦京世

掌書記趙訥京世戶曹張復太廟下

按題名五人無年月可系五人中惟蘇舜欽有傳

舜欽字子美易簡孫初以父任補太廟齋郎調榮

陽縣尉玉清昭應宮災詣登聞鼓院上疏尋舉進

士改光祿寺主簿玉清昭應宮災乃天聖七年六

月事姑以此題附天聖後

陳執中題名

題名刻在韓資告華嶽碑下  
右旁共三行行十八字正書

陳執中自天章閣待

制口龍圖閣直學士知永興軍

府景祐四年太歲丁丑十月五日齋謁

徽帝之祠謹誌

執中宋人所識為榮靈者乃其書則不俗也其碑之

前右方下又有元豐乙丑王子文題名

金石文  
字記

宋史本傳執中字昭譽明道中安撫京東進天章閣

待制使還知應天府徙江寧府再遷工部郎中改龍

圖閣直學士知永興軍案此所云與史傳合

關中金  
石記

題名殘石

石橫廣一尺三寸高五寸五分  
五行行四字左行正書

口仲孺 口謁 金天帝祠 口元二年三月

又

進士鄭博

按紀號元字泐上一字當是寶元

王堯臣藍元用等題名

石橫廣一尺高九寸九行行九字左行正書

翰林學士龍圖閣學士睢陽王堯 口口死使英州團練

使內侍副都知大梁藍元用被 詔緩撫淫原慶慶王

午仲冬五日恭謁 金天帝祠

翰林王 口經畫西事國子監 口口口殿直藍有方

侍

題云被詔綏撫涇原又云經畫西事以史攷之卽王堯臣也堯臣以翰林學士知審官院陝西用兵爲體量安撫使韓琦徙秦州范仲淹徙耀州堯臣言二人不當置之散地又薦种世衡狄青有將帥才慶歷二年九月趙元昊自鎮戎軍原州入寇乘勝掠平涼關中震恐仁宗思其言復以琦仲淹爲招討使使堯臣再撫涇原其所論沿邊城砦設險阨要賊徑通屬及備禦輕重之策動關利害故史節載其文以仁宗本紀攷之是年十月甲寅有遣使安撫涇原路之文而不署姓氏夫堯臣能識韓范於旣敗之後舉种狄於

未用之先所見已爲卓然又經略西兵朝廷多從其計至以疏請諸事付之各鎮用取爲法是堯臣之出爲當時重有關係之人本紀反略之宋史之採摭失當於此可見

關中金石記

葉清臣等題名

在程琳題名石幢第五六兩面各三行行二十字

翰林侍讀學士尙書戶部郎中知永興軍府事本路安撫使兵馬都部署吳興郡侯葉清臣慶曆丁亥秋赴官便道恭款 神祠明年四月蒙 恩召還再經

字下于時通判永興軍府劉紀駐泊都監王仲平管勾機宜韓鐸知涇陽縣施遵同州觀察推官李孚佑從行

按宋史傳清臣字道卿蘇州長洲人天聖二年進士累擢起居舍人龍圖閣學士權三司使公事出知江寧府踰年入翰林爲學士父憂服除宰相陳執中素不悅之卽除翰林侍讀學士知邠州改邠州進尙書戶部郎中知青州徙知永興軍浚三白渠溉田踰六千頃會河決商湖北道艱食復以爲翰林學士權三司使此題慶歷丁亥秋赴官欵祠明年四月蒙恩名還再經字下則此題在慶歷八年戊子陳執中入相始于慶歷五年至皇祐元年八月罷是慶歷七八兩年正執中當國之時也赴

官在七年之秋名選在八年之夏其官永興僅逾  
半年而沒柴旣田有惠于民如此史傳未嘗斷載  
年月不覩此題不知其勤民之敏也因表出之

王榮題名

二題名俱在唐李貽孫題名  
之右各一行字數不等正書

廟令王榮

慶歷七年八  
月十四日題

進士張孔孫謁

施昌言題記

石連額座高一尺六寸廣  
九寸五行行八字隸書

慶曆七年殊僧

西嶽祠成十月十式日天章閣待制知華州事施昌言

恭仰 謁祀

按陝西通志不載是年修廟事昌言字正臣通州  
靜海人傳稱其由三司度支副使除天章閣待制  
河北轉運副使降知華州

田況題名

在程道略題名之下四行行  
七字八字不等左行正書

慶曆丁亥仲冬望日樞密直學士田況被

命赴涇原與弟洙同謁

按宋史傳田況字元均趙元昊反夏竦經畧陝西  
辟爲判官言治邊十四事累官陝西宣撫副使東  
都事略載其除龍圖閣直學士知成德軍徙秦州  
進樞密直學士知渭州

謁音廟題名

在田况題名之左五行行八字九字不等左行正書

慶曆丁亥仲冬口口口工部郎中口口口口口使口口

口口前隴州汧陽縣事口口謁靈祠

程琳謁嶽祠題名

長四尺二寸八面每面寬七寸五分題名刻前四面各三行行十

七字正書

推誠保德功臣宣徽北院使武昌軍節度鄂州管内觀

祭處置等使光祿大夫檢校太傅使持節都督鄂州諸

軍事行鄂州刺史兼御史大夫充陝西路安撫使兼郎

延路經略使馬步軍都部署判延州軍州事管内勸農

使上柱國安定郡開國公食邑三千九百戶食實封七

百戶程琳丁亥歲六月十三日塗次華陰恭謁 嶽祠  
大理寺丞通判華州于待問大理寺丞簽署永興軍節  
度判官楊士彥前越州諸暨主簿陳傑廣文館進士出  
慶祖男太常寺太祝嗣隆嗣弼嗣恭姪男太常寺奉禮  
郎嗣直從行

按宋史琳字天球永寧軍博野人累遷工部尚書  
加大學士河北安撫使改武昌軍節度使知永興  
軍陝西安撫使以宣徽北院使判延州仍爲陝西  
安撫使所載與題名互有詳畧而無年月可攷題  
名云丁亥歲六月則慶歷七年也東都事畧云寶

元二年遷工部尙書加資政殿大學士河北安撫使拜武昌節度使知永興軍明年拜宣徽北院使判延州則當在康定元年與題名不合傳不書琳子此則有男嗣隆嗣弼嗣恭又有姪男嗣直可補

史缺

程琳再題名

在石幢第七八兩面各三行行二十字正書

程琳皇祐己丑三月十六日蒙 恩制除同中書門下平章事三月十九日奉 勅就差判大名府兼留守司事河北安撫使二十八日被 詔入 觀四月十八日再經華陰恭謁 嶽祠太常博士蔡挺殿中丞楊士彥

男太常寺太祝嗣隆嗣弼嗣恭嗣先特行

內有云太常博士蔡挺卽工部尙書蔡敏肅公也字子政史但載從王堯臣范仲淹兩次宣撫陝西不及程琳并不及爲太常博士俱是缺略

關中金石記

按程琳自慶歷七年丁亥六月安撫陝西途經華州謁廟題名至是皇祐元年己丑四月移判大名被召入覲復經華陰有此題名也同中書門下平章事傳載而無年月其云兼畱守司事河北安撫使則史與東都事畧皆從畧蔡挺爲蔡希言子其從王堯臣范仲淹宣撫陝西皆在景祐及慶歷初

年傳不書其從程琳約畧在范仲淹之後也男嗣  
隆嗣弱嗣恭已見前題而此又多一嗣先其前題  
所有之姪男嗣直則此題不及

傅口題名

在汧國公題名之後  
六行字數不等正書

皇祐三年七月廿九日轉運使尚書兵部郎中傅口奉

詔歸 闕恭謁 靈口

李杞題名

在唐裴類題名之右四行  
行七字八字不等正書

華州渭南縣主簿權華陰縣事李杞伏謁 靈嗣皇祐

辛卯仲冬初二日題

蘇軾有臘月遊孤山訪惠勤惠思二僧詩又有李杞

寺丞見和前篇復用元韻答之詩疑即其人關中金石記

按李杞即熙寧中經畫獨茶者坡詩所謂茶為西南

病岷俗記二李言杞與稷也宋史無傳而續通鑑長

編載其事甚詳馮應攝蘇詩注

孫昌夏大維題名石高四寸五分廣四寸四分行行五字六字不等正書

孫昌夏大維遍觀唐賢題名歲次庚子孟夏十六日口

成麟題名題名上缺在王希倩之左四行字數無取左行正書

缺 璿 夏陽縣尉成麟

缺 前趙王府司馬梁巨

缺 取阮易

歲九月廿有二日記

張恭禮設醮題記

在乳香記右側下設五行行十三字正書

嘉祐四年三月初五日入內內侍省內侍高品張恭禮

奉 聖旨於 西嶽□□□□□□七晝夜請道士

二七人罷散日設醮一座二百四十分位謹刊石記之

程遵路題名

在唐汧國公題名之後十行行二字左行隸書

試校書郎程遵路恭謁祠下嘉祐七年三月十四日一

內侍省□□誤醮題記

在乳香記左側下截十一行行七字八字不隸正書

入內內侍省

此下五行磨泐字數莫辨約四十餘字

夜各請道士一十四人治平二年正月十二日命同壇

道士口口觀主雷口口 題刻

史名題名

石橫廣七寸五分高五寸餘上已變缺五行算行約七字正書

少卿史名自口州路轉運使奉口還 朝恭謁 口

下治平三年十月廿三日題

闕前題名

在華岳頌碑後蔡延慶題名之下一行二十四字正書

諫議大夫闕前還 朝恭謁 金天帝戊申重陽日二

子籍簡侍行

宋史詢傳詢知商州神宗初轉右諫議大夫改邠阿

二州提舉上清太平宮使此詢自署諫議大夫是從

商州還朝道經於此留題耳

關中金石記

按戊申是神宗熙寧元年

楊遂題名

在華岳廟碑右一行三十二字正書

宋馬軍都使容州觀察使新環慶副都總管楊遂熙寧  
庚戌七月廿七日恭請 靈籤

題云宋馬軍都使容州觀察使新環慶副都總管楊

遂宋史本傳遂作筵云開封人累遷榮州副練使京

城左箱巡檢英宗即位以為鄧州防禦使步軍都虞

候歷環慶涇原鄜延二路副都總管至馬軍副都指

揮使由容州觀察使拜寧遠軍節度殿前副都指揮

使卒諡莊敏地理志容州屬廣南路

關中金石記

按據傳所載楊燧歷官與題名雖合但俱在英宗  
卽位以後此題熙寧庚戌爲神宗卽位之三年又  
傳載官容州在瓊巖之後與題名小異

陳繹等題名

在華岳題碑第十一行人神晉悅字之  
下二行行三十七字四十四字不等行

書

宋熙寧二年九月守彰化十一月移本路轉運副使制  
置解監使明年十一月移京東轉運使十二月三日過  
華陰河南陳繹題應體用科彥古進士彥恭彥成侍行  
馮翊保芝二解元盧定趙豫同詣于 金天祠下

案宋史本傳繹字和叔開封人神宗立爲陝西轉運

副使入直舍人院修起居注知制誥拜翰林學士以  
侍講學士知鄆州史不及爲東東轉運使者快也

金石記

按此是由陝西移京東途經華陰而有此題也子  
三人查古彥恭彥成傳稱繹不能肅閭門子與婦  
一夕俱殞于卒伍之手不知其第幾子也體用科  
卽才嚴兼茂明於體用科乃制舉六科之一景德  
二年及仁宗初俱增置詳見宋史選舉志

劉忱題名

在華岳頌碑揚善題名之下四行行  
十二字左行年或一行在前並正書

提點刑獄尙書職方郎中劉忱之任蒲中躬謁 祠下

男唐工唐老唐純唐傑唐南侍行

熙寧辛亥孟夏二十日

沈即議遣河東彘界者見宋史神宗本紀中金石記

呂黃題名在李濟題名之右五行字數不等左行正書

口郡口黃自京師口長安過謁口口男大忠大鈞大臨

大觀侍 熙寧四年五月五日

題內有大忠大鈞大臨大觀名范育呂大鈞墓表云  
考黃比部郎中贈左諫議大夫六子五子相繼登科  
知名當世其季賢而早死君其第三子也攷宋史呂  
大防傳云兄大忠弟大鈞故大鈞為第三子文云黃

自京師口長安當是自京師至延安時大防知延州  
黃至其所也

周中金  
石記

按呂黃史附大防傳大防父黃官比部郎中家于  
藍田范育撰大鈞墓表則云考黃贈左諫議大夫  
宋史大鈞傳又云知三原縣請代黃入蜀移巴西  
縣黃致仕大鈞亦移疾不行不知黃又在蜀中何  
官黃有六子其季早死則存者五子而史列傳者  
四子惟大觀無傳長大忠字進伯次大防字微仲  
三大鈞字和叔四大臨字與叔當大防知延州時  
此四子想皆未入仕也史稱大忠大防大臨同居

切礎論道考禮大鈞從橫渠學大臨受學伊川之

門

張孝孫題名

在邱據題名之右一行年號小字書于行下正書

張孝孫恭謁

靈祠 熙寧辛亥中元日題

按辛亥為熙寧四年

林顏題名

石表缺僅高七寸廣三寸五分二行字數無考正書

林顏恭謁

熙寧辛亥中冬八日

陳絢題名

在唐李嶺題名之左二行字數不等左行正書

解梁陳絢河東薛昌朝

缺辛亥十月同遊

祠下

蔡延慶題名

在華岳題名後紀元之上二行字數不等正書

治平丁未領本路提點刑獄謁 祠下後六年蒙 恩  
除天章閣待制秦鳳等路都轉運使過 祠下恭謁  
金天帝宋熙寧六年癸丑正月二十九日東萊蔡延慶  
仲遠題

按題稱東萊蔡延慶宋史蔡濟傳濟字子思其先  
洛陽人曾祖綰爲萊州膠水令因家焉濟無子以  
從子延慶爲嗣延慶字仲遠中進士第通判明州  
歷福建路轉運判官提點京東陝西刑獄此題云  
治平丁未蓋英宗治平四年事也傳又云神宗初  
以集賢校理累直舍人院判流內銓拜天章閣待

制秦鳳等路都轉運使卽此題所載熙寧六年事也

劉航等題名在華岳頌碑首行之左一行三十四字

河南監牧使劉航仲通提舉牧羊公事丘舜中聖徒同

謁祠下熙寧癸丑仲秋十七日題

按癸丑爲熙寧六年

呂公等題名在石幢程琳已丑題名第二面上二行字數不等左行行書

紫微呂公所雪收上盧訥洛陽程旨樊川王謙從熙寧

癸丑仲冬十九日謹題

宋史神宗本紀熙寧六年十一月丙寅大雪案是歲

八月壬申朔此云仲冬十九日所雪當猶在丙寅之

前也

國中金石記

按首題云紫微呂公而不署名趙希弁讀書志載東萊呂紫微雜說一卷爲呂本中居仁之說本中當官中書人故稱曰紫微據此則此題紫微呂公嘗爲呂本中檢宋史呂本中傳本中係公著之曾孫好問之子紹興六年召赴行在特賜進士出身擢起居舍人兼權中書舍人則此題之非本中明矣宋史神宗紀熙寧五年二月丙寅以知鄭州呂公弼爲宣猷南院使判秦州或卽其人癸丑爲熙

寧六年據遼史朔考是年十一月庚子朔丙寅爲  
廿七日當是十九日祈雪而廿七日大雪也秦中  
祈雪于前而京師紀大雪於後由京西至秦中一  
路降雪當不懸殊也

陳紘題名

在華岳頌碑爲之頌曰之下二行  
行十八字二十二字不等正書

熙寧七年三月二十二日尙書職方員外郎陳紘自秦  
倅移開封令恭謁 金天祠下彥默彥淵彥正侍行

按陳紘史無傳亦不見他書其子三人皆用彥字

爲名與陳繹同似紘與繹同弟兄行也餘無可考

益恭益昌等題名

石函缺橫一尺二寸高八  
寸約七行行十二字正書

快七年二月二十三日自知永興軍府事奉

詔乘傳歸 闕將長子太子中舍益恭次子左侍禁益

昌長孫太常寺奉口郎慎言祇謁 靈字題名楷石

李侃祈雨題名 在華岳頌碑陳繹題名之下一行十一字

李侃奉 敕祈雨甲寅三月晦

崔簡題名 石殘缺存高六寸廣二寸餘二行字數不齊左行正書

崔簡 恭謁 祠下 辛酉重九

李道昌同至

郝隨題名 在景德口仲卿題名之後三行行六字正書

中侍郝隨子 口 因被

宸旨道場到 此

張升卿題名

在華岳嶺碑蔡廷慶題名之上五行字數不等正書

張升卿被命之利路恭謁

祠下男試祕書省校書郎康伯侍行熙寧十年三月十

九日題

吳中復題名

在景德口仲卿題名第五六行之下四行行四字左行隸書

吳中復罷京地 謁

祠下男口奉禮則

缺

俞次皋等題名

在華岳嶺碑陳紘之下二行行十七八字不等左行行書

元豐元年 十月十三日侍親出帥華池與友人鮮于溱

宋彰恭謁 祠下鄞江俞次皋謹題

題云出帥華池者知慶州也華池以熙寧四年改名

合水此存舊稱

閩中金石記

按俞次皋無攷題云侍親出帥華池而自書其貫  
為鄞江搢宋史俞充傳云俞充字公達明州鄞人  
熙寧中累遷成都路轉運使後置天章閣待制知  
慶州則次皋即充之子也

謁嶽廟殘題

石殘缺僅存四行行七  
字八字不等左行正書

元豐戊午口月二十七日再謁

嶽祠時自本路移河北与雲臺武子口

同來孫遇孫

按關中金石記作孫週謁祠記戊午爲元豐元年

薛昌朝等題名

橫高六寸廣四寸四行行五字左行正書

薛昌朝昌年昌誇范師軻同謁 祠下元豐戊午仲冬

廿九日

蔡延慶再題名

在華岳碑楊遂題名之後一行二十九字正書

元豐己未夏日龍圖閣直學士涇原路經略使赴 召

謁祠下蔡延慶仲遠題

云自龍圖閣直學士涇原路經略使赴召者本傳延

慶以應辦熙河軍須功進龍圖閣直學士王韶入朝

攝熙帥不及爲涇原經略使者略也

關中金石記

按已未爲元豐二年

王希倩題名

在陳綱題名之左三行  
字數不尋左行正書

判官王希倩 蔣之奇元豐己未六月四日

按此題但云判官而不詳其地似攝上下尙有磨  
勛之文王希倩無考蔣之奇傳稱字穎叔常州宜  
興人神宗朝新法行爲福建轉運判官遷淮東轉  
運副使歷江西河北陝西副使在陝西經賦入以  
給用度邊粟皆支二年移淮南擢江淮荆浙發運  
副使元豐六年漕粟至京比常歲溢六百二十萬  
石錫服三品可知元豐六年以前正之奇官陝西

之時而官為副使並非判官可知判官自屬王希

倩而蔣之奇當別有官名已磨泐也

劉陶題名

在昭應碑崔頊題名之下  
二行字數不等左行正書

趙直即劉陶恭誦 祠下元豐五年正月十九日

趙諫題名

在麗奎策題記第七行下  
空處三行字數不等正書

元豐五年孟秋月被

命華山雲臺觀謹於

祠下朝拜文思副使趙諫記押

諫自署為文思副使者武階也有文思使又有副使

東染院使應轉洛苑使有職功得轉文思使東染院

副使應轉洛院副使有職功得轉文思副使其敘遷之例如是

明中金石記

按雲臺觀在華陰縣華山下陝西通志云後周武帝時有道士焦廣獨居雲臺峯碎粒餐霞常有三青鳥報未然之事武帝親詣山庭臨軒問道因於谷口置雲臺觀唐宋之亂希夷先生實修是觀而隱居焉又宋史禮志真宗神御殿十有四一曰華州雲臺觀集真殿此題祠下朝拜必是趙諒奉命奠獻神御殿也未有押字初見此題

薛紹彭題名

在司空圖殘詩之左三行字數不等正書

樂安薛紹彭

日沙口勃 元豐六年六月十六日

王顥等題名

在唐劉士深題名之下八行行四字五字不等正書

快口王顥張彥世自東都來恭拜 祠下雲臺楊宗海

巨壘 宗慶同至元豐六年九月十七日

陳康民等題名

石高八寸廣五寸五行行九字正書

口口陳康民大中雒陽口口時伯唐安王可道通之同

謁款 嶽祠元豐七年歲次甲子八月初二日謹題

王子文設醮題記

在池聖額標題之下三行字數不等正書

元豐乙丑歲戊寅月被 旨設醮于 嶽祠癸丑恭薦

齋誠王子告畢奉議郎知華州軍州事王子文謹記男  
知章侍次

按此題所紀干支有舛誤者乙丑爲元豐八年戊  
寅則正月也是月丙申朔宋史神宗紀正月戊戌  
帝不豫則三日也乙巳命輔臣代禱其靈宮乙卯  
分遣羣臣禱于天地宗廟社稷而不言禱于嶽瀆  
此題知華州王子文設醮嶽祠則是守土之官被  
旨禱祀而史畧之也癸丑在王子之後此題先癸  
丑而後王子其誤顯然王子爲十七日癸丑爲十  
八日設醮之期或三晝夜而畢或七日而畢從無

兩日而畢者薦景靈宮在乙巳爲正月十日設醮  
之旨或卽降于是日數日而華州得旨行事則癸  
丑當不誤王子誤也

薛侏題名

在昭應碑下截唐蘇教題名之右四  
行行十一字至十四五字不等正書

中大夫致仕蒲津薛侏恭奠西嶽金天帝元祐元年  
十一月十日記

男宣德郎知華陰縣事兼兵馬監押員道孫太廟齋  
郎薛鈞鎬鈇鉞鐸侍

張舜民題名

在唐口皮題名之左  
四行字數不等行書

元祐二年自瑞是圖往來皆拜 嶽祠張舜民芸叟記

石闕堦口

後八年歲乙亥自關東再過

按史傳舜民字芸叟邠州人中進士第爲襄樂令  
元豐中在靈武作詩坐謫監郴州酒稅赦還司馬  
光薦其才氣秀異剛直敢言以館閣校勘爲監察  
御史左遷通判虢州提點秦鳳刑獄召拜殿中侍  
御史固辭改金部員外郎以此題證之自號選幽  
者通判虢州時還邠州之鄉也司馬光之薦當在  
元祐元年至二年則已左遷後八年歲乙亥爲紹  
聖二年其時當是召拜還京也舜民又自號浮休

居士書史會要稱其擅篆翰其蹟雜見羣玉堂法帖中則此題完善僅泐一字宜亦可貴矣

游師雄題名

石高七寸餘廣四寸四行行五字左行正書

游師雄奉使關中祭禱祠下元祐三年正月九日

按史傳師雄字景叔京兆武功人學于張載第進士爲儀州司戶叅軍遷德順軍判官元祐初爲宗正寺主簿執政將棄四砦訪于師雄以爲不可棄因著分疆錄遷軍器監丞鬼章搆夏人爲亂使師雄與邊臣措置擒鬼章遷一官爲陝西轉運判官提點秦鳳路刑獄叅政宋史神宗紀及夏國傳棄

四砦按廣米崩是元祐四年六月事鬼章爲亂是

熙寧元年事皆與傳有錯互此題元祐三年正月

奉使關中不能詳其爲何事也師雄家于京兆關

中形勝故實皆所熟閑嘗繪唐太宗昭陵圖題記

于後今附刻長安志以傳其所著分疆錄則未見

也

祐晟祀嶽廟題記石高一尺一寸廣六寸五行  
行十四四十二字不字正書

得時關士祐晟往涇原路看安撫李 供備三口至

聖帝口虔誠焚香燒紙保扶生平如意時己巳孟夏

二十三日巳時記之俟再來 祐晟

按祐晟不著姓己巳又不知何年自號得時閑士  
以題石不多見也下有燒紙保扶等字俗語已見  
於此時

劉承構題名殘石

石高二尺一寸廣六寸三行行六字正書

朝議郎前大理寺丞劉承構爰口謁廟口口題

杜純題名

石橫廣一尺四寸高一尺五分四行行九字十一字不等正書

轉運使濮陽杜純挈家恭謁、祠下元祐戊辰閏月初

十日男開奉 命書

題云轉運使濮陽杜純本傳云元祐元年范純仁韓  
維王存孫永交薦之除河北轉運判官歷徙陝西轉

運使

關中金石記

按戊辰是元祐三年閏月者閏十二月也

陳知新題名

在唐李貽孫題名之右三行字數不等左行正書

右朝請郎權知華州軍州兼管內勸農事漢軍借紫陳知新以時雨久愆禱祭 祠下元祐辛未秋七月十日男東侍行

按陳知新史無傳辛未為元祐六年是年夏旱禱

雨宋史本紀及陝西通志祥異門俱不書

呂至山寺題名

在景德口仲卿題名之右五行字數不等左行正書

呂至山朝謁

宋史本紀卷一百一十五

男試校書郎康成

外甥進士唐受侍行康成題

案呂至山有草堂寺題名在建中靖國元年故列

此

口澤仁題名

在景德仲卿題名之右四行行四字左行年號右行在末行之下隸書

口澤仁被旨

赴闕率馬

敦古謁祠下崇寧四季五月廿

八口

王叙題名

石高一尺一寸廣六寸六行行五字左行正書

崇寧乙酉口被召還

開恭拜

祠下提舉口口軍等

路常口口事王叙

按乙酉為崇寧四年

席旦題名

石題圓瘦缺存高九寸廣七寸三行字數無致正書

缺 閣直學士席旦

缺 侍郎 守成都恭大觀元年

李傅題名

在石鐘裡珠丁亥題名第四面上三行字數不尋正書

朝奉郎新差知耀州李傅專心致齋恭詣 帝祠供養

大觀四年十月二十一日

席旦再題名

在昭應碑第六行將空于成慶句之下一行二十九字正書

顯謨閣直學士席旦政和王辰再守成都恭謁 祠下

二月二十三日奎益從

按史傳旦字晉仲河南人七歲能詩元豐中舉進士徽宗召對累擢顯謨閣直學士知成都府徙鄭州入見坐進對淹留黜知滁州久之帝思其治蜀功復知成都以前後兩題名證之前題爲大觀元年是初守成都時此爲政和二年壬辰歲題乃再守成都時也子二奎益傳但云益字大光紹興初參知政事傳稱旦能詩而各詩選本皆無其名殆久佚矣

蘇莊等題名

在程琳石幢額上共六面各四字正書

口和乙未仲冬己巳提殿刑獄蘇莊提舉茶事王千恭

謁祠下

按乙未爲政和五年十一月丙寅朔己巳則四日也王千官提舉茶事宋史食貨志元豐元年置都大提舉茶場官置同提舉官徙司秦州大觀元年改名提舉茶事司尋命茶場茶事通爲一司題名不言司字省文也

梁激題名

在石幢葉清臣題名第一面  
上三行字數不等左行正書

交印東還恭謁 金天帝祠下宣和辛丑重九二日朝請大夫前知華州東平梁口

按辛丑爲宣和三年

王正叔題名在沂州公題名之後二行行四字左行正書

正叔輔之同遊于告

按正叔王正叔也宣和時人慈恩草堂俱有題名  
又按華嚴題名陝西早巡撫阮修華嚴廟訖工取  
篆隸正行殘石之字悉陷置廡壁不下數百枚今  
擇其石人地官職稍可辨者搨錄之凡宋人題名  
今存八十六段